



BÛYERA ROBOSKÎ, RÛREŞÎYA DEWLETÊ YE.

Berî şeş sala, hêzên hewayîyên dewletê bi fermana femandarên fermîyên dewletê **34** nişteciyê n Kurd bombebaran kirin u kuştin.Qaşo gotin ku me van kesan “

PKK

” yî hesibandîye ku lewra ew di wê rêya ku” PKK têde hatûçû dike” de derbas dibun.Dewletê tenê bi vê sedemê 34 gundîyên bêguneh qetil kir.Ev tevkujî heta niha jî maye ser girtî.Vaye şeş sale ku buyera

ROBOSK

ê hê jî zelal nebuye, nehatîye ronî kirin.

Roboskî rûyê reşê dewletê ye.

Roboskê rûreşîya dewletê ye.

Berpîrsê Roboskê dewleta Turk a reş u tarî ye.

Dewlet heta ku vê buyerê bi tevahî ronî neke u kirdarên Roboskîyê dadige neke, suçdare, qisûrdar u rureş e.

Eger Dewleta Turk dixwaze ku xwe ji bin vê rûreşîyê xilas bike, dive rojek zûtir ji malbatên kuştîya lêborîn bixwaze u xwe ji vê xendeqê rizgar bike. Bi gef u golan, bi şirove u derewan dewlet ji berpîrsîyarîya xwe nafelite.

Roboskî şermezarî u sernizmîyek hevdem e.

Roboskî, dewama feraseta **Dêrsim**, u buyera **Muğlali** a **Ozalpê** ye.

Hetanî niha gelek buyer u rudan u qewmîn u serhildan di Kurdistanê de çêbune. Lê Gelê Kurd

hê jî li benda çarelêkirina maf u berjewendîyên xwe yên netewîye. Gelê Kurdistanê, îro jî çaverêyê azadî u demokrasîyê ye.

Ji bo heqdestkirina maf berjewendîyên Kurdistanê, ne kiryar u operasyonên leşkerî, tanq u top u balafir u gulebaranên dewletê u ne jî, xendeq u barîqat u kemîn u bombe u qompareyên destî yên **PKK'ê** ne hewce ne..

Çil sale ku, ev şerê qirêj u kiretê di navbera herdûk hêzên çekdar de, gelê Kurdistanê bezar kirîye. Şûn u warên qedîm u hemu hêjanên, xwezayî, çandî u dîrokîyên mirazê vê xakê ;çil sale ku dinav vî agîrî de şewitîn u kawil bun.

Eger dewlet dixwaze ku ji bo xêra Kurdan tîştêkî bike, ne bi şewazek kûjer û tûnd û dijwar, ne bi kuştin 'u qetlîyam û xwîn rêtin; lê lazîme ku, şewazek aşîyane bide pêşîya xwe. Ya bixêr ewe ku dewlet, rojeke zûtir van operasyon u kiryarên leşkerî bide seknandin u rojeveke nû ji bo çareserîya pirsgireka Kurdistanê veke.

Gelê Kurdistanê roj bi roj di navbera agirê dewletê û yê PKK'ê de, telef dibe.

Partîya Maf u Azadîyan / **HAKPAR**, buyera Roboskîyê bi tundî riswa u şermezar dike.

HAKPAR, kuştîyên buyera Roboskîyê bi rêz u hîrmet yad dike.

HAKPAR bi boneya vê rojê, careke din bang li hêzên şerkar dike ku bi demek zûtir, vî şerê qirêj rawestînin, zêdetir Kurdistanê wêran nekin u nebin sedemê kuştina bi deha ewladên welat.

Roboskî nayê jibîr kirin.

NÏVSÎNGEHA RAGEYANDIN Û ÇAPEMENÎ A □□□□□□□□□□□□□□□□

Partiya Maf u Azadîyan / **HAK-PAR**